

Zeitschrift: Schwyzerlüt : Zyschrif für üsi schwyzerische Mundarte
Band: 1 (1939)
Heft: 5-6

Artikel: Joseph Reinhart : öppis vo sym Läbe und sym Wärk
Autor: Weber, Emil
DOI: <https://doi.org/10.5169/seals-176824>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 29.03.2025

ETH-Bibliothek Zürich, E-Periodica, <https://www.e-periodica.ch>

eismol het 's größer Chind zu sym Müeti welle: „Großmüeti schloß!“ Wo's drno so rüehig doglägen isch, hätt me wohl chönne meine, sie täti numme schloſe, so still und heiter isch sie gläge mit de bleiche Rosen uf de Backe.

Am ander Morge sy au die Röſli no verblieht gſi; aber öppis, wie nes Schüümli Sunnen isch no blyben uf em Gſicht, wo's scho im schwarze Totebaum inne glägen isch. Wo mer se 's Wägli abtreit hei, het d'Sunne heiter gſchinne, und e Zytlang, wo dä heiter Schyn uf de Meie glägen isch, so het me's fasch vergäſſe, as mer 's letschmol mit der Mueter gange sy.

Josef Reinhart : s' Muetergret,
Stabbüecher, Verlag F. Reinhardt, Basel.

Joseph Reinhart.

Oppis vo sym Läbe und sym Wärk.

Also übere Josef Reinhart soll i öppis verzelle. Isch das nit kurig — aber es dunkt mi grad, wie wenn's tät heiße: Seh, bricht mer öppis über fälbe Öpfelbaum! He jo, so vomene Baum, was setts do viel z'verzelle gäh? Du weisch numme: är isch eifster do, so lang as di masch bsinne. Du gſesch ne im Hustage, wie=n=er i der Matte stohst voll Bluest und s'drususe lysli singt mit tuusig fyne Stimmlī.

Und wenn im Summer müed bisch vom Schaffe, so chasch di i sy Schatte legge und öppe gſeh, wie der Himmel zwüsche de Blettere glänzt und ghöre, wie d'Finke nander rüeſe i der Chrone. Später uſe zündte roti Öpfel us em Laub und wenn eine dervo versuechſch, so weisch: so öppis cha doch numme deheime wachſe!

Und no im teufste Winter isch er do; denn chönnts öppe sy, du gwahrisch einisch, wie=n=är i Himmel uſe zeigt und wie z'Macht d'Stärne i de schwarze Eschte hange. Churzum, är isch es Stückli Heimet und wär er einisch nümme do, so täts eim weh und me wär frömd deheime.

Und doch ischs numme das, was du vo uženoche gſesch. S'rächte Läbe, das lyt hingedra, das isch teufer inne. Du chasch es aber numme gwahre, wenn Geduld hesch z'warte, z'löſe und z'luege und Zyt nimmsch, drüber noche z'stuune.

S'inwändig Läbe! He jo, wie d'Würze teuf i Bode=n=abe grabe und dört im gheime trinke und wie si uſe stygt, die Chraft und wie si Chnospe=n und wñzi Blüete trÿbt und Blatt um Blatt aſeȝt a jedem Ast. Und wie=n=er s'Liecht trinkt, wo vom Himmel fallt und mit de Lüſte redt, wo wyt us aller Wält här chöme. Wie us der Bluest en Öpfel wachſt und öppis in ſich treit vo allem; vo der Urde und vom Himmel. Und du chunnsch immer meh is Stuune=n yne und gſpürſch: es isch e höcheri Chraft, wo do drin würkt und schaffet. —

Das isch es Bild — und doch, wenn i s'Läbe vo ilsem Dichter betrachte, so dunkt's mi halt, es syg em ähnlich. He jo, wenn mes bloß vo uszenoche aluegt, so macht's keis großes Wäse, aber wenn teufser yne luegsh, gwahrsch ersch, wie rych as 's isch. S'cha sy, wirsch drüber still und seisch: S'isch wohr, do isch e höcheri Chraſt, wo i däm Läbe würkt!

He nu, so wei mer halt en Augeblick derby verwyle und do und dört probiere-n yne z'luege; wenn's Gottswill isch, so gwähre=mer öppis vo däm innwändige Läbe oder es geit-is wenigstens e chlyni Ahnig dervo uf.

Süßere Läbe, das isch gly verzellt!

E Stung wyt hingerem Sant Urſestedtli, im Galmis isch am Brenntag anno 75 der Josef Reinhart uf d'Wält cho und jeze stohrt sy's Hus mit em groſe Garte=n i der Steigruebe ob der Stadt, e Nase z'läng vom alte Hei. Und wenn's ne z'wüschen-inne au usezoge het, die wyti Wält az'luege, sygs nach Bärlin, für dört e chly der Schnabel z'schlyſſe oder uf Paris, für wälsche Gommang z'lehre, sy's Härz isch i der Heimet blybe.

Fryli, der Garte, wo=n=er z'ersch drinn gſchaffet het, isch im Niederamt unge gläge, d'Schuelſtube vo Erlsbach und Schönewerd. Dört unge het er au aſo ſinge; vo dört hei ſyti erste Liedli über s'Land us tönt, wär weiß, s'isch villicht drum, wil är dört sy Gſpane gſunge het, wo=n=em s'Charli hilft diir s'Läbe zieh; villicht isch's aber au gſy, wil ne d'Heimet doch heimlig am eine Fädeli zoge het:

„Bin i wieder hei zue gange,
S'isch der Vogel, wo mi zieht,
Möcht ne numme foh mit Hände,
Ghört i numme gärn sy's Lied!“

Und jez isch er halt scho mängs Jahr wieder deheime und der Garte, wo=n=er drinne ſchaffet, isch viel größer worde — s'isch ganze Solothurnerland.

He jo, am Seminar het er die junge Schuelmeiſter i de Hände und er loht ſe nit numme=n=öppen chly loh ſchmöcke a all dene ſchöne Meie, wo im ganze dütsche Dichtergarte gwachſe sy; er löſt ne nit numme d'Züngli as s'Mulwärch gſchliffner lauft, wenn ſi fälber Herr und Meiſter sy. Nei, er tuet ne gheimi Seeletürli uf, er lehrt ſe luege, was hingerdra isch und lehrt ſe loſe=n=uf e Härzſchlag vo de Möntsche, vo de Dingē.

Er zeigt ne Quelle=n i der Teufi, wo nie uſtrochne. Und wenn's landus, landab i mänger Schuelſtube heiterer worde=n=ischt und näbe däm, wo numme nützt au s'Schöne wieder blüeiht; wenn mänge Dorfverein uſruumt mit allem Dingeldangel und derfür e gſungi Choſt uf d'Bü hn'i bringt und wenn me do und dört am Obe wider

z'säme sitzt, verzellt und singt oder öppen=us eme guete Buech list,
isch's sicher öppis, wo ufgange=n=isch vo däm. Soome, wo der Josef
Reinhart Sohr für Sohr i d'Seele vo dene junge Möntsche leit.

Nid numme das! Wär hoschet nit alles bin=em a und möcht sy
Meinig wüze; syges Vereinigunge, wo s'Erb vo üsne Vorfahre
möchte=n=erhalte; syges settigi, wo ne s'Läbe und d'Zuekunft vo der
Juged am Härz lht, oder au Fraue, wo singe, es sett au i de Stube
e chly heiterer wärde. Für alli het er Zyt und Rot und s'Herr Pro-
fessers Wort gilt öppis im Land.

So isch er halt es Stückli Heimet worde; er ghört zum Solo-
thurnerbiet, as wie ne Baum zum Burehus; e Baum, wo bliet
und s'drinne singt, wo d'Augen öppen=einisch obsi zieht, wenn si
z'hert am Bode chläbe, e Baum, wo teuf abe wurzlet und us ver-
steckte Säft im Bode roti Öpfel loht lo ryse.

Oder sy si nit, wie gsungi, ryfi Öpfel, wo s'Härz und d'Zunge
wohl dra läbe, im Josef Reinhart syni Gschichte, wo immer wider
zwüsche syr ryche Läbesarbeit use wachse? Träge si nit der Gruch vom
Bode und gspürsch nid us der Chust der Sunneschyn, wo se het lo
ryse? Nei, die verderben=eim der Mage nit und passe so guet i ne
Heerestube, wie use Buretisch.

Möchtisch no chly teufer yne luegen und gseh, was alls für
gheimi Chräft do a der Arbet sy, muesch halt zu de Würze=n=abe
stuge. He joh, lueg no einisch i d'Stube ungerem graue Schindledach
vom Burehus im Galmis. Dört isch e Mueter. S'heift neume, si
heig e Glanz i ihrne Auge gha, wo warm gäh heig und heiter
gmacht im Hus. Und syge Wätterwulche drüber gsahre, het si se mit
eme Liedli, mit eme Gschpaß chönne verschüüche. Derby isch si der
Chummerzhilf vo allne und wär e Blätz ab macht a Lyb oder Seel
— si weiß es heilsems Mitteli derfür, e guete Rot.

Und das Liechtli, wo die eifachi Frau i däm abglagnie Burehus
azündet het, das lüchtet jez wyt über s'ganze Land us. He joh, das
weiß si jo vor allem, im Reinhart syni Liedli und Gschichte, es bizeli
warm und heiter mache und der Wärtigstaub vo de Seele wüsche:

Sorge und schaffe bis gnue,
Es heiters Lied ghört au derzue!

Wie grau und chalt wär doch s'Läbe, wenn nit so öppis mithine
würd dry=yne glänze und wie gly wär doch üsi Seelechräft erlosche,
wenn nit öpper do wär, wo zu däm Füürli würdi luege. Das weiß
der Dichter, und er weiß au, was e räcti Mueter imene Hus, imene
Läbe cha bedüte. Drum tönt au s'Loblied vo der Mueter us so vielne
vo syne Gschichte und vor allem ergrysend us em „Mueter gueet“. Und
ersch s' „Mutterli“? Isch das nid es großes Bild, wo der
Josef Reinhart de Fraue vor d'Auge het: „Lueget, was dir us eme

Läbe chönntet mache; wie viel Liecht und Wermi dir uf die feischteri,
chalti Wält chönntet bringe! Aber wie sell e so nes Wort in es
Seelechämmerli hne töne, wenn alli Türe derzue vermuuret sy; wie
vo ufe=n=e Glanz oder es farbigs Bildli dryfalle, wenn d'Pfeischter-
schybli bling sy?

Was isch doch so ne Möntsche für nes armseligs Wäse, wo num-
me=n uzenoche läbt, wo nüt weiss vome-ne Heiweh, nit gseht, was
duße-n alles läbt und blüeicht und vo keim Wunder ahnet, wo aber
au nit gspürt, as um=ne=ume au no angri Möntsche sy.

Möcht iis der Josef Reinhart nit au grad do drin der Wäg zeige?
Und isch 's nit au wider e Lehrmeischter us syr Buebezty, wo vorah
gange=n=isch? I meine der „Schuelheer vo Gummatal“. Was
cha doch us ere Schuelstube=n=uſe wachse, wo ne settige Geischt drin
läbt? Wo nit numme Zahlebige oder Fähler agstriche wärde, nei,
wo der Schuelmeister mit syne Chinge no vor eme Grashalm, bime-
ne Müsli cha blybe stoh und stuune: „Lueget — s'isch no öppis
hingedra!“ Ne Schuelmeister, wo nit numme im teufe Winter de
Burscht e=gäge=goht und ne e Gsprur zum Schuelhus trappet, nei,
eine wos au verstoh, vo eim zum angere es Wägli z'bahne: „Mönt-
sche — - nander verstoh! Nit der Chittel — — s'Härz macht us!“

Chönnt das nit über vielne vo iisem Dichter syne Gschichte stoh
us „Heimelig Lütt“, „Waldvogelzyte“ oder „Solothurner
Lütt?“ Nei, do isch nit numme s'Aug und der Verstand derby, wenn
er syni Gstatte zeichnet; dänk me numme a ne „Holzmacherkarli“
oder a dä arm „Hötteler.“ S'mueß öppis anders sy inwändig, wo
do am Wärdh isch, öppis, wo mir alli nötig hätti: Liebi!

Aber s'föhrt e wiyte Wäg derzue, es müeß gar mängs Türli uf-
toh, gar mängs Schybli puzt wärde, bis e Möntsche richtig cha gseh
und gspüre. Gottlob isch au do öpper, wo=n=is egäge chunnt und
bahnet! Oder cha me däm nit e so säge, wenn der Josef Reinhart
iisne Bueben und Meitschi geduldig fasch es halbs Möntscheläbe lang
Monet für Monet im „Jugendborn“ e Chost uſe Tisch stellt, wo
zum Beschte ghört, was es i der Sach git; wenn er mit eme teufe
Gloube as Guete für se Gschichte schrybt wie: „Die Knaben von
St. Ursen“ oder wenn er ne i de „Helden und Helfer“ Mönt-
sche vor d'Auge stellt, wo si dra chönne useluege und wachse. So,
s'mueß iisem Dichter öppis dra gläge sy, de Möntsche d'Augen und
s'Härz uf z'tue. Lueg, i däm lange Zug vo syne Gstatte stäckle nit
numme der „Gummiprofässer“ und der Petersepp, der Schuelmeister
us em „Grüenfink.“ Nei, do chunnt jo au no mitts unger all
dene Lüte der „Pestalozzi“ und d'Möntscheliebi lüchtet us sym
runzlige Gſicht.

Halt, dä do uf sym Röfli dörfe mer nit vergässe. Ar isch jo au
es Sinnbild vo eire vo dene inwändige Chräfte, wo im Josef Rein-

hart sy's Wärk hälse schaffe — der „Dokter us der Sunne=g a ß.“ „Hälse! Heile!“ stoht uf sym Fähuli.

He joh, s'git halt nit numme Sunneschyn i üfer Heimet, mir hei au Schatte gnue. Wie viel isch chrank, wie mängs isch mautsch oder fuul i der Stadt oder uf em Land, im Hus oder im eigene Härz. Wie chönnt do der Dichter dra verby goh? Darf er nit der Finger uf die Bräschte legge? Wenns au mängisch e chlei schmirzt und mir usjucke, so wüsse mer doch: er meints guet mit is und wott jo numme heile.

„Lies alle Sunneschyn z'säme, wo niemer frogt derno
Und gang dermit uf Schatthalb, s'wird jedes übercho!“

S'isch wohr, es möcht de Möntsche öppis gäh, im Josef Reinhart sy's Wärk, es stoht nit eifach do, wie eine, wo seit: „I bi mir eleini gnue!“ S'isch halt nit numme der Dichter, nei, au der Möntschesfründ, wo öppis derzue z'säge het. „Heitermache! Löse! Heile!“ tönts us sym ganze Schaffe=n=use.

Und es isch e stilli Mahnig! Oh Möntsche, was bist du ohni Heimet? Es Blatt im Wind! Was suechsch so wyt? Lueg, dä wo sescht im Bode steit, dä gspürt d'Chraft, wo us der Arde chunnt und isch dermit verbunde. So redt das Wärk.

Doch wart, do ghörsch jo no ne Stimm — — der Pfarrheer us der „Lehrz y t“: „Verwachse mit em Heimetbode — rächt — aber au der Chops usha, as ggesch d'Stärne schyne, wenns um-di=ume feischter wird! Nit blybe chläbe — hesch liechter z'träge denn. Mir sy jo alli numme=n=uf der Reis! —“

E vierti Stimm also, wo us allne andere vom ganze Wärk bsun-ders use tönt — no chly schüüch — aber ebe, der Dichter isch halt au e Läberbärger — und die rede nit gärn vo däm, wo ganz z'in-nersch inne=n=ischt. Mir aber wei hoffe, mir heigi di Stimm no nit s'letscht Mol ghört.

Emil Weber, Oberdorf.

Dr Fähndrech.

Mängisch het me's ghört, wenn mr mit em Männerchor usgrückt sy, an es Gsangfäscht oder uf ne Reis, mir heige dr schönscht Fähndrech wyt und breit. Und wenn üsse Verein imene Fäschtzug die meischte Meie het chönnen uf d'Hüet stecke, so het das numme üsem Fähndrech gulte, wil 's Wybervolch us de Pfeischteren und vo de Balkone mit Rosen und Nägeli uf ihn zielt het; är aber mit sym Fahne het 's Bücken oder 's Uffoh halt dene müeßen überloh, wo nit gmeint gsi sy. Und 's isch au wohr: es schöns Luegen isch's gsi, üse Fähndrech, dr Mezger Isema. I ggeh ne no am Buchser Sängerschift im zweute Baß uf der Bühni oben am Egge stoh, wie me